



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno MCXVIII. ad annum MCLXXIX.

**Parisiis, 1644**

Epistola VIII. Evgenii Papae III. Ad Episcopos Germaniae. Improbat  
translationem episcopi Cicensis in Magdeburgensem archiepiscopatum  
translati.

**urn:nbn:de:hbz:466:1-15588**

que imperii suscepisset, non imperialiter sed spiritualiter vixit. In toro etiam legitimo positus, quod paucorum fuisse legitur, integritatem castimoniae usque in finem vitæ conseruavit. Quæ quidem nos omnia simul perpendentes, atque deuotionem vestram, & ecclesiæ Bambergensis, quæ sanctæ Romanæ ecclesiæ soli subesse dignoscitur, diligenter considerantes, tametsi huiusmodi petitio nisi in generalibus Conciliis admitti non soleat, auctoritate tamen sanctæ Romanæ ecclesiæ, quæ omnium Conciliorum firmamentum est, petitionibus vestris acquiescimus, atque eiusdem memorabilis viri, cuius exaltationem requiritis, fratrū nostrorum archiepiscoporum, & episcoporum, qui præsentes aderant, communicato consilio, memoriam inter sanctos de cetero fieri censemus, & anniversarium ipsius diem solenniter celebrari constituimus. Vesta itaque interest sic in sanctæ Romanæ ecclesiæ obedientia & fidelitate persistere, & ei dignæ deuotionis obsequiis respondere, ut ampliori beati Petri & nostra gratia digni inueniamini.

Data trans Tiberim secundo Idus Martii.

### EPISTOLA VIII.

### EVGENII PAPÆ III.

#### AD EPISCOPOS GERMANIÆ.

Improbat translationem episcopi Cicensis in Magdeburgensem archiepiscopatum translati.

*Eugenius episcopus seruus seruorum Dei venerabilibus fratribus Eberardo Saltzburgenſi, Artuico Bremensi, & Hillino Treuerensi archiepiscopis, Eberardo Bambergensi, Hermanno Constantiensi, Henrico Ratipponensi, Ottoni Frisingensi, Conrado Patauiensi, Danieli Pragenſi, Anselmo Hamelburgenſi, & Burchardo Eiftetenſi, episcopis, salutem & apostolicam benedictionem.*

**L**ITERAS, quas pro causa Magdeburgensis ecclesiæ vestra nobis prudentia delegauit, debita benignitate suscepimus. In lectione autem & cognitione earum stupore nimio & admiratione repleti sumus, eo quod longe aliud in eis, quam vobis ex officio pontificatus immineat, per-

speximus contineri. Cum enim in ecclesiæ vertice sitis ex diuina prouidentia constituti, vt de medio eius quæ fuerint nocua propellere, quæ vtilia debeatis attento studio conseruare, in causa ista, sicut ex suggestione literarum vestrarum nobis innotuit, non quod expediat ecclesiæ Dei, quod sacrorum Canonum sanctiōni concordet, quod exinde a cœlesti arbitrio approbetur; sed quod terrenis principibus placeat, attendistis. Et qui eorum animos a sua minus recta deflectere debuistis intentione, atque ubi esset via Domini demonstrare, non persuasistis quod rectum est, nec stetistis murus pro domo Israel, quinimo *ipsis*, vt ait Propheta, *parietem ædificantibus, vos* (quod sine *Ezech. 13.* grandi animi rancore vix dicimus) *liniuistis illum luto absque paleis.* Non ita sentiebat princeps apostolorum, qui ex fidei sua confessione, vt totius ecclesiæ fundamentum esset accepit; sed comminantibus sæculi filiis, & apostolis, si prædicarent in nomine Iesu mortis exterminium intentibus, confisus de Domini virtute respondit: *Oportet ad. 5.* *obedire Deo magis quam hominibus.* Vos autem ne a terrenis videamini principibus dissentire, illi causæ fauorem vestrum impenditis, cui & ecclesiasticæ auctoritas constitutionis, & supernæ voluntatis examen pro certo creditur obuiare.

Cum enim translationes episcoporum sine manifestæ vtilitatis & necessitatis indicio diuinæ legis oraculum non permittat, cum etiam multo amplior, quam in aliis electionibus cleri & populi eas debeat præuenire concordia, in facienda translatione de venerabili fratre nostro Guicmanno Cicensi episcopo, nihil horum est, sed solus fauor principis expectatur: & nec inspecta necessitate illius ecclesiæ, nec considerata vtilitate personæ, clero nolente, imo, vt dicitur, ex parte maxima reclamante, in Magdeburgensi eum dicitis ecclesia supplantandum. Super quo tanto amplius admiramur, quanto persona illa, cuius gratitatis sit atque scientia ab anteactis agnouimus, ac proinde quantum ecclesiæ illi sit vtilis non penitus ignoramus. Quoniam igitur, quicumque temporalis auræ flatibus agitantur, nos in illius petræ soliditate fundati, quæ in fundamento meruit ecclesiæ collocari: sicut non debemus, ita nec volumus omni vento circumferri doctrinæ, aut a sa-

crorum Canonum reætitudine impulsu aliquo deuiare, per præsentia vobis scripta mandamus, quatenus causæ isti fauorem vterius non præstetis, & apud carissimum filium nostrum Fridericum, quem Deus hoc tempore pro seruanda libertate ecclesiæ in eminentiam regni euexit, efficere vestris exhortationibus studeatis, vt & ipse a sua super hoc intentione desistat, & contra Deum, contra sacros Canones, contra regiæ dignitatis officium, eidem causæ fauorem vterius non impendat, sed ecclesiæ Magdeburgensi, sicut & aliis ecclesiis regni a Deo sibi commisisti, liberam facultatem quem voluerint secundum Deum eligendi relinquat; & electionem ipsam postmodum fauore suo, sicut decet maiestatem regiam, prosequatur. Nos enim si quod de supradicto fratre nostro facere nititur vidеремus ratione fulciri, nec voluntati eius, nec postulationi vestrae duceremus aliquatenus obviandum; contra Deum autem, & sacrorum Canonum sanctiones nulli omnino petitioni possumus præbere consensum.

Datum Signiæ decimosexto Kalendas Septembri.

#### EPISTOLA IX.

#### EVGENII PAPÆ III. AD CANONICOS SANCTI PETRI ROMÆ.

De quarta parte oblationum ipsis concessa.

*Eugenius episcopus seruus seruorum Dei, dilectis filiis Bernardo presbytero cardinali sancti Clementis, & ecclesiæ beati Petri archipresbytero, atque ceteris eiusdem ecclesiæ canonicis tam præsentibus quam futuris canonice substituendis in perpetuum.*

**B**EATORVM Petri & Pauli tam eminens & tam gloriose societas, vt & ambo sint doctores gentium, autores martyrum, principes sacerdotum: & cum inter uniuersos apostolos peculiari quadam prærogatiua præcelant, æqualitatis in caelo meritis disparitatem non sentiunt. Petro ab ipso Saluatore nostro Domino Iesu Christo claves regni caelorum sunt commissæ: Paulus a Deo electus est, vt de multitudine gentium regnum caelorum implete sua prædicatione. Petrus petræ est & fundamentum fidei, & ne ruamus in soliditate nos firma sustentat: Paulus ne

prauo